

# INSHAMAKE Y' AMABWIRIZA RUSANGE AGENGA IMIHANDA N' UBURYO BWO KUYIGENDAMO

## B. UBURYO BWO KWIGA AMATEGEKO Y' UMUHANDA

### 1. IGICE CYA 1: AMATEGEKO ABANZA

#### 1.1. UMUTWE WA I: Ibirebwa n'iriteka

##### Ingingo ya 1:

Iri teka rigenga uburyo bwo kugenda mu nzira nyabagendwa, bwerekeye: *Abanyamaguru, Ibinyabiziga, Inyamaswa zikururura, Izikorera ibintu, cyangwa izo bagenderaho kimwe n'amatungo.*

#### 1.2. UMUTWE WA II: Ibisobanuro

##### Ingingo ya 2:

*Mugukurikiza ibivugwa muri iri teka:*

1. Ijambo « **Inzira Nyabagendwa** » ( **Voie public**) rivuga: Imbago zose z'imihanda minini, amabarabara, aho abantu nyamwinshi bahurira, aho imodoka zihagarara, inzira n'utuyira two ku muhanda, ibiraro, ibyombo mbese ku buryo rusange, imihanda nyabagendwa yose igendwamo ku butaka;
  2. Ijambo « **Umuhandu** » rivuga: Igice cyangwa ibice by'inzira nyabagendwa bigendwaho n'ibinyabiziga; iyo nzira nyabagendwa ikaba yagira imihanda myinshi itandukanyijwe ku buryo bugaragara n'ubutaka bwayo cyangwa ubusumbane;
  3. Ijambo « **Inzira y'ibinyabiziga** » rivuga: Umuhandu n'inzira ziwukikije;
  4. Ijambo « **Igisate cy'umuhandu** » rivuga: Kimwe mu bice bigabanyijwe umuhandu mu burebure bwawo; ariko icyo gisate kikagira ubugari buhagije ku buryo ibinyabiziga bitari amagare, velomoteri cyangwa amapikipiki bigenda bibangikanye. bishobora kugaragazwa n'umurongo umwe ukomeje cyangwa ugizwe n'uduce dukurikiranye.
  5. Ijambo « **Agahanda k'amagare** » bivuga: Igice cy'inzira nyabagendwa cyagenewe kunyurwamo n'amagare na velomoteri bikagaragazwa n'ikimenyetso cyabigenewe.
  6. Amagambo « **Isangano n'Inkomane** » bivuga: <sup>1</sup> Ahantu hose imihanda ihurira; <sup>2</sup> Aho umuhandu wisukira mu wundi; cyangwa <sup>3</sup> Mu maharakubiri y'inzira nyabagendwa; ubwo hakabwirirwamo imyanya igizwe n'ayo mahuriro n'izo nkomane cyangwa nayo maharakubiri y'imihanda.
  7. Ijambo « **Akayira** » bivuga: Inzira nyabagendwa ifunganye yagenewe gusa abanyamaguru cyangwa ibinyabiziga bigendera ku biziga bibiri.
  8. Ijambo « **Inzira y'igitaka** » bivuga: Inzira nyabagendwa yagutse kurusha akayira ariko ubusanzwe ikaba itaragenewe ibinyabiziga bibiri.
- ✓ **Inzira y'igitaka** ikomeza kwitwa ityo iyo isa n'umuhandu igihe irasutse gusa mu yindi nzira nyabagendwa.